



МОНГОЛ УЛСЫН ЗАСГИЙН ГАЗРЫН ТОГТООЛ

2020 оны 10 дугаар сарын 21-ний
өдөр

Улаанбаатар хот

Дугаар 155 ЭРҮҮЛ МЭНДИЙН ЯАМНЫ ҮЙЛ АЖИЛЛАГААНЫ СТРАТЕГИ, ЗОХИОН БАЙГУУЛАЛТЫН БҮТЦИЙН ӨӨРЧЛӨЛТИЙН ХӨТӨЛБӨР, БҮТЭЦ, ОРОН ТООНЫ ХЯЗГААР БАТЛАХ ТУХАЙ

Монгол Улсын Засгийн газрын тухай хуулийн 12 дугаар зүйлийн 4 дэх хэсэг, Монгол Улсын яамны эрх зүйн байдлын тухай хуулийн 10.1-д заасныг тус тус үндэслэн Монгол Улсын Засгийн газраас ТОГТООХ нь:

1. Эрүүл мэндийн яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийг хавсралт ёсоор баталсугай.

2. Эрүүл мэндийн яамны зохион байгуулалтын бүтцийг дор дурдсанаар баталсугай:

2.1. Нийтийн эрүүл мэндийн тусламжийн бодлого, хэрэгжилтийг зохицуулах газар (Нийтийн эрүүл мэндийн хариу арга хэмжээ, халдварт өвчний хяналт, сэргийлэлтийн хэлтэс; Халдварт бус өвчний хяналт, сэргийлэлтийн хэлтэс; Эрүүл ахуй, орчны эрүүл мэндийн хэлтэстэй);

2.2. Эмнэлгийн тусламжийн бодлого, хэрэгжилтийг зохицуулах газар (Лавлагаа шатлалын тусламжийн хэлтэс; Анхан шатны тусламжийн хэлтэс; Уламжлалт анагаах ухааны хэлтэстэй);

2.3. Эрүүл мэндийн салбарын эдийн засгийн бодлого, хэрэгжилтийн газар (Хөрөнгө оруулалтын хэлтэс; Эрүүл мэндийн даатгалын хэлтэс; Санхүүгийн хэлтэс; Мэдээлэл, технологийн хэлтэстэй);

2.4. Төрийн захиргааны удирдлагын газар (Захиргаа, хуулийн хэлтэс; Гадаад хамтын ажиллагааны хэлтэс; Судалгаа, төлөвлөлтийн хэлтэстэй);

2.5. Хяналт-шинжилгээ, үнэлгээний газар (Хяналт-шинжилгээ, үнэлгээний хэлтэс; Дотоод аудитын хэлтэстэй).

3. Эрүүл мэндийн яамны орон тооны хязгаарыг 100 байхаар тогтоосугай.

4. Энэ тогтоол гарсантай холбогдуулан “Яамдын зохион байгуулалтын бүтэц, орон тооны хязгаар батлах тухай” Засгийн газрын 2016 оны 7 дугаар сарын 27-ны өдрийн 3 дугаар тогтоолын хавсралтын 13 дахь заалт, “Эрүүл мэндийн яамны үйл ажиллагааны стратеги, бүтцийн

өөрчлөлтийн хөтөлбөр, зохион байгуулалтын бүтцийг батлах тухай” Засгийн газрын 2018 оны 2 дугаар сарын 22-ны өдрийн 58 дугаар тогтоолыг тус тус хүчингүй болсонд тооцсугай.

Монгол Улсын Ерөнхий сайд

У.ХҮРЭЛСҮХ

Эрүүл мэндийн сайд

Т.МӨНХСАЙХАН